

**KOMMUNIMUT PILERSAARUMMUT TAPILIUSSAQ 20B5-1**

**Paamiut, Inuussutissarsiuteqarfik umiarsualiveqarfillu**

**Decembari 2017**



**KOMMUNEQARFIK SERMERSOOQ**  
Sanarfimermut Avatangiisinnullu Ingerlatsivik  
Anlægs- og Miljøforvaltningen

## Kommunimut pilersaarummut tapiliussaq sunaava?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik Kommunalbestyrelse Pilerausiornermut inatsit naapertorlugu (Pilerausiorneq aamma nunaminertat atorneqartarnerat pillugit Inatsisartut inatsisisaat nr. 17, 17. november 2010-imeersoq) kommunimut pilersaarutip pisariaqartutigut nutarterneqartarnissaanut pisussaavoq. Pileraummut tapiliussamut attuumassutilimmik pileraummi allannguiteqartoqartillugu imaluuniit ilanngussisoqartoqartillugu ingerlaavartumik nutarterisoqartarpooq.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaallilluni sukkulluunniit suliaqarsinnaatitaavoq. Taamaattorli taakku saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliussaliussalluni pisussaavoq:

- Nuna tamakkerlugu pilerausiornerup kommunillu pilerausiornerata piviusunngortinnissaanut qulakteerinninnissaq pisariaqaraangat.
- Sanaartugassanik imaluuniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliussaq marlunniq immikkoortortaqarpoq, **nassuaat** aamma **maleruaqqusanut tunngasut**.

- **Nassuaatitaani** kommunimut pilersaarummut tapiliussami siunertat anguniakkallu aamma pissutsit immikkoortup iluani eqqaanilu pioreersut nassuarneqarput.
- **Aalajangersagartaani** pilersaarutip piviusunngortinnissaanut tunngatillugu aalajangersakkat malinneqatussat allassimapput. Aalajangersakkat aalajangersakkanut pingarnernut sukumiisunullu avitaapput. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut aalajangersagartaaniippuit.

## Tamanut saqqummiunneqarnera

Inaarutaasumik atuuttuulersinneqarluni 22.12.2017-imi tamanut nalunaarutigineqassaaq

## Pileraut sumi atuarneqarsinnaava?

Pileraut Nunatta Atuagaateqarfiani atuarsinnaavat, kommunip nittartagaani aaneqarsinnaavoq [www.sermersooq.gl](http://www.sermersooq.gl), kommunip innuttaasunik sullissivianut imaluuniit Sanarfinermut Avatangiisinullu Ingerlatsivimmut Imaneq 20, 3900 Nuuk saaffiginnillutit pissarsiarisinnaavat, oqarasuaat 36 74 31.

**IMARISAI**

<b>ILITSERSUUT</b>	<b>2</b>
<b>IMARISAI</b>	<b>4</b>
<b>1. NASSUIAAT</b>	<b>5</b>
1.1 Siunertat tunngavillu	5
1.2 Tunuliaquataa	7
1.3 Pissutsit pioreersut	7
1.4 Avatangiisit	8
1.5 Pilersaarummi pingarnerit	10
1.6 Immikkuualuttut A-F illuliallu	11
1.7 Pilersaarummut allamut tunngatillugu	15
1.8 inissimanera Tamanik oqallititsineq	18
1.9 Pilersaarutip inatsisitigut sunniutai	19
<b>2. AALAJANGERSAKKAT</b>	<b>21</b>
2.1 Aalajangersakkat pingarnerit	21
2.2 Aalajangersakkat sukumiisut	29
<b>3. AKUERSISSUTEQARNERMI ATSIORNERIT</b>	<b>31</b>

**Ilanngussaq 1: Immikkoortuaoloreersut**

**Ilanngussaq 2: Immikkoortualuit nutaat  
immikkoortut ilaat, sanaartorfissat  
aqquserngillu**

**Ilanngussaq 3: Titartakkat**

**Ilanngussaq 4: 3D-mik titartakkat**

## 1. NASSUIAAT

Siunnersuut Kommunimut pilersaarumut tapiliussaq suliniutissatut siunnersuutip ”Paamiuni Umiarsualivik Avannarleq – Kommuneqarfik Sermersumi qitiusumik piorsaaffiusoq nutaaq”-mut ilassutitut suliaavoq. Suliniut suliniutissatut qinnuteqaataavoq taannalu Pilersaarusrornermut Inatsisartut inatsisaat nutaaq nr. 34, 9. decembari 2015-imeersoq naapertorlugu nassiunneqarpoq. Suliniutissatut siunnersuut 2016-imni novcembrip ulluisa 15-anni Kommunalbestyrelsip ataatsimiinnerani akuersissutigineqarpoq.

Kommunimut pilersaarummut tapiliussaq illoqarfiup ilaanut pilersaarummik 20B5-imik aamma 20B1-imik iluarsaassinerullunilu alliliineruvoq.

Pilersaaruteqarfiusoq Paamiuniippoq aammalu inuussutissarsiuteqarfittut umiarsualiveqarfittullu atugassissutigineqarnikuulluni. Pilersaaruteqarfiusup ilaa suli atorneqangnilaq pilersaaruteqarfiulli kujataa ‘tungaa siusinnerusukkut kommunimut pilersaarutaasimasuni siunertarineqartunut atorneqarput. Nunaminertap kujataa ‘tungaa immigaavoq avannaatungaalu qaqqaalluni, tassaniipporu illoqarfimmi ujaqqanik piaavik.

### 1.1 SIUNERTAT TUNNGAVIILLU


Kommunimut pilersaarummut tapiliussami matumani Paamiuni suliffissuaqarnikkut suliniutinik anginerusunik pilersitsinissamut periarfissiisoqarnissa aamma nunaminertat Kommuneqarfik Sermersumi sumiiffik pillugu pilersaarutit pingaernerit naapertorlugit ineriertortinneqarnissa siunertarineqarput. Taamaalilluni illoqarfiup ineriertortinneqarnera, pilersorneqarnera, aqqusineqarnera il.il. eqqarsaatgalugit suliniutit pillugit aalajangiisoqarsinnaaniassammat.

Pilersaarummut tapiliussami matumani tunngaviit tassaapput:

- Tunisassiornikkut, inuussutissarsiuteqarnikkut, entreprenørerit ingerlatsinertut, sannaveqarnikkut, aatsitassarsioruntut pilersuisoqarnikkut, umiarsuarnut containerersortunut umiarsualiveqarnikkut talittafeqarnikkullu kiisalu tamakkunangna sullissinermi inaalitsiveqarnikkut suliffissuaqarfinnut nunaminertat katillugit 7,6 ha-it pilersinneqarsinnaajumallugit. Aatsitassarsiorernut pilersuineq pineqartoq nunaminertanut inaalitsivinnut, quersuarnut, sannavinnut, allaffinnut, hangarinut, assartuussinernut, eqqagassalerinernut, eqqiaanernut, pigaartoqarnernut, inuttaqartitsinermut, usingiaanermut,

- usilersornermut umiarsuarnillu pilersuinermut tunngapput, tassunga ilanngullugit tankit pilersuuit qillerinermi marrarmik atugassanik imallit, imikumut katersuiviit il.il. aamma ikummatissanut tankit.
- Ujaqqanik piaavik qaqqap sinneranik piaaffissanngorlugu – 2 ha.-it missaat - allissallugu.
- Kommuneqarfik Sermersumi asfaltiliorfik pilersaarusrorsiorfigissallugu kiisalu tassunga nunaminertat 2.500 m<sup>2</sup>-it angullugit allinissaannut allinissaat qulakkiissallugu.
- Kangerliumanermi nunaminertat allaaserineqartut immerneqarsinnaaqqullugit.
- Uiartigassamik aqquserngiussalluni, taamaalillutik lastbiilersuit allallu oqimaatsut illoqarfiup qeqqatigoortitarunnaarlugit.
- Immikkoortup ilaani pilersuinernut, kuuffissualersornernut kangerliumanermillu imartaajaanermut periusiussalluni.

Taamattuaaq Kommunimut pilersaarummut tapiliussamik pilersaaruteqarfiup atorneqarnera nalinginnaasumik nassuiarneqarnisa siunertaavoq, pilersaaruteqarfiusormi inuussutissarsiutinut siunertanut atugassiissutigineqareernikuummat. Sumiiffiup avannaatungaaniq aaqqissuussinissamik siunnersuut figur 1-imni takutinneqarpoq.



Figur 1 – Sumiiffiup takutinneqarnera.

## 1.2 TUNULIAQUTAA

Maannakkut inuussutissarsiuteqarfiusuni nunaminertat sumiiffimmi sulianik nutaanik anginerusunik pilersitsinissamut imaluunniit suliareersunik alliliinissanut naammattumik annertussuseqanngillat. Inuussutissarsiutini anginerusunut nunaminertanik pisariaqartinneqartunik qulakeerinnittooqarnissaal kommunimi kissaatigineqarpoq. Illoqarfimmi suliat amerlisinnaajumaluit tunisaassiorfinnut, suliffeqarfimmut nutaamut nunaminertat annertunerusut aamma nunaminertaareersut alliliineqarnissaat pisariaqartinneqarpoq. Tamanna Kommuneqarfik Sermersuup asfaltiiloriata avannaa 'tungaani qaartiterinikkut sanaartorfigissaanikkullu pisinnaavoq.

Aqqusinermi pissutsit eqqarsaatigalugit maannakkut aqqusineq nunaminertanit inuussutissarsiuteqarfiusunit umiarsualivimmut aqqusineq Paamiut illoqarfatiigoorpoq. Umiarsualivimmi suliffissuaqarnermillu suliat aamma tamat aqqusinertigut angallannerat immikkoortinneqassasut kissaatigineqarpoq. Figur 8 aamma 9 takukkit.

## 1.3 PISSUTSIT PIOREERSUT

Pilersaruteqarfiusoq Paamiut illoqarfiaita avannaa 'tungaani kangerliumarngup kangia 'tungaaniippoq.



Figur 2 - Pilersaruteqarfiusoq. Qaartiterriffissaq pingaardeq. Kujammukanneq assilisaq.

Pilersaruteqarfiusoq Imeqarfiup aamma Paamiuni inuussutissarsiuteqarfiup aamma umiarsuliveqarfiup avannaa 'tungaani kangerluup akornanniippoq avannamullu ujaqqanik piiavimmut killeqarfegarluni. Sumiiffiit attorneqartut tamarmik inuussutissarsiutinut umiarsualivinnullu siunertanut atugassiissutigineqarput. Sumiiffimiipput illut Frederikshåb Betoncentral ApS-imit pigineqartut soorlu sulisut

qiteqquttarfii, sannavik, allaffik, qisuuusivik betoniliorfillu aamma nunaminertat tamakkununnga tamanut kiisalu ujaqqanik piaavimmut. Illu B-964 Kommuneqarfik Sermersuumit pigineqarpoq. Sumiiffiup avannaa'tungaa qaqqasunnaavoq taassumallu avannaa' tungaa ujaqqanik piaavigalugu qaartiteriffigineqarpoq. Qaqqasunnap qaava qatsissutimi 36.4-imiippoq.

Siunnersuut kommunimut pilersaarutissatut siunnersumi nuna katillugu 9,5 ha.-it missaannik annertutigisoq suliarineqarpoq.

#### **1.4 Avatangiisit**

Kitaa'tungaa aamma kangerluup qinngua attorneqanngillat. Ujaqqanik piaaviup avannaa'tungaaniippoq Kommuneqarfik Sermersup afaltiliorfia. Imeqarfiup kangia'tungaani sumiiffimmi inuussutsissartiunut atasunik najugaqarfissanik illuliortitertoqarsimavoq. Kujataa'tungaaniippuit ilaqtariinnut ataatsinut illut. Illut taakku eqqaanni nuna qaqqasunnartaqarluni quتاarluuvoq nunaminertallu kujataa'tungaani qatsissuseq qatsinnerpaaq 30.0-uvoq.



Figur 3 - Pilersaaruteqarfiusoq



Figur 4 – Pilersaaruteqarfiusoq

## 1.5 PILERSAARUMMI PINGAARNERIT

Inuussutissarsiuteqarfissatut umiarsuliaveqarfissatullu siunertanut nutaarluinnarmut immikkoortup ilaani 20B5-imi qaartiterisoqarsinnaavoq, immiisoqarsinnaavoq sanaartorfigissaasoqarsinnaallunilu. Inuussutissarsiuteqarfiup avannaa tungaata kujataa tungaatalu akornanni aqquserniorningissamut immiisoqarnissaa sanaartortoqarnissaalu aamma umiarsualivioreersup allineqarnissaa akuerineqarput.

Immikkoortup ilaa 20B5 kujammut kimmullu allineqassaaq. Immikkoortup ilaajoreersoq 20B6 figur 5 aamma 6-imi takutinneqartutut peerneqassaaq.


Immikkoortup ilaa 20B1 talittarfiup allinissaa qulakkeerniarlugu allineqassaaq.

### Atuineq

Immikkoortup ilaa inuussutissarsiutinut umiarsualivinnullu siunertanut atorneqarnissaa aalajangersarneqarpoq.

### Immikkoortup ilaata killeqarfilersorneqarnera

Immikkoortup ilaa figur 5 aamma 6 naapertorlugit nalimmassarneqassaaq.



Figur 5 – Immikkoortup ilaata siornatigut killeqarfilersorneqarnera, 20B5 4,0 ha.-it missaannik annertusseqarpoq.

Figur 6 – Siunissami immikkoortup ilaanik killeqarfilersornissaq, 20B5-1 7,8 ha.-it missaannik annertussuseqarpoq.  
Nutaaq, sermersooq2028.odeum.com takuuk.

## 1.6 IMMIKKUUALUTTUT A-F AAMMA ILLULIAT

Kommunimut pilersaarummut tapiliussami pilersaaruteqarfiusoq immikkualuttunut A-F-inut immikkoortiterneqarput, figur 7 takuu. Immikkoortut ilaanni tamani suliffeqarfuit immikkut annertuumik mingutsitsisut akuerineqarput, Avatangiisit illersorneqarnissaat pillugity Inatsisartut inatsisaat nr. 9, 22. novembari 2011-imeersumi kap 5 takuu.



Fig.7. Immikkualuttut A-F

### *Immikkualuttoq A*

Immikkualuttup taassuma ilaa pinngortitatut isikkoqarpoq ilaalu najukkami namminersorlutik inuussutissarsiuteqartunit atorneqartussanngorlugu aamma entreprenørutit suliffeqarfimmit Frederikshåb Betoncentral ApS-imit inaalitsivittut atorneqartussanngorlugu immigaavoq/manissagaavoq. Immikuualuttoq tullinnguuttunut makkununnga atugassisutigineqarpoq:

- Tunisassiorfiit anginerusut immikkoortukkuutaarlugit alliartortinneqarsinnaasut, allaffiit, sulisunut inaat, transformatoriisivillu, sannaviit, inaalitsiviit tamakkununngalu sullissinerit sanaartorneqarsinnaapput.
- Talittarfik
- Sumiiffimmi nunaminertat silamiittut truckinit lastbiilinillu aqqutigineqarsinnaasunngorlugit qalliusersorneqarnissaat aamma

containeriisivissanik      inaalitsivinnik      nunaminertaqarnissaa  
akuerineqarpoq.

- Immikkuualuttoq ungaluugalersorneqarsinnaavoq videokkullu  
nakkutigineqarsinnaalluni

### *Immikkuualuttoq B*

Immikkuualuttup taassuma ilaa pinngortitatut isikkoqarpoq ilaalu najukkami namminersorlutik inuussutissarsiuteqartunit atorneqartussanngorlugu aamma entreprenøreritut suliffeqarfimmit Frederikshåb Betoncentral ApS-imit aamma Kommuneqarfik Sermersuumit ujaqqanik piiaavittut, qisuuusivittut sannaveqarfittullu atorneqartussanngorlugu immigaavoq/manissagaavoq. Immikkuualuttoq tullinnguuttunut makkununnga atugassisutigineqarpoq:

- Tunisassiorernut, namminersorluni inuussutissarsiutinut, entreprenøreritut ingerlatsinernut, sannavinnut, aatsitassarsortunut pilersuivittut kiisalu inaalitsivittut, tamakkununnga sullissivittut, tamakkununnga ilanngullugit allaffiit, sulisunut init peqqumaasiviillu.

### *Immikkuualuttoq C*

Immikkuualuttoq taanna pinngortitatut isikkoqarpoq aammalu ujaqqanik piiaaviulluni. Ujaqqanik piiaavik allineqarsinnaavoq aammalu qatsissuseq 5.0 tikillullugu qaartiterlugu apparneqarsinnaalluni aamma kingusinnerusukkut tullinnguuttunur makkununnga atorneqarsinnaavoq:

- Tunisassiorernut, inuussutissarsiornernut, sannavinnut, entreprenøreritut ingerlatsinernut, umiarsuarnut containerersortunut umiarsualivittut, talittarfittut aamma sullisinernut tamakkununnga inaalitsivittut.
- Aatsitassarsiornernut pilersuisutut tassalu inaalitsivittut, quersuartut, sannavittut, allaffittut, hangaritut, assartuussinerrut, eqqagassaleriffittut, eqqiaanernut, pigaartuunernut, inuttalersuinernut usilersorernullu, umiarsuarnik usingiarnerut pilersuinernullu, tassunga ilanngullugit tankit pilersuuitit qillerinernut marrartallit, imikumut katersuiviit, ikummatisanut katersuiviit il.il.

*Immikkuualuttoq D*

Immikkuualuttumiippoq Kommuneqarfik Sermersuup asfaltiliorfia. Nunaminertaq kangerlumanermi piiaalluni allineqarsinnaavoq. Immikkuualuttup atorneqarnera allanngunngilaq.

*Immikkuualuttoq E*

Immikkuualuttoq taanna amutsivikuuvoq sannaveqarfiusimallunilu, tamakku Frederikshåb Betoncentralen A/S-imit atorneqarput. Nunaminertaq sannavinni sulianut containerinullu inaalitsivittut atorneqarsinnaavoq.

Sumiiffimmi suliffeqarfinnik immikkut ittumik mingutsitsisunik pilersitsinissamut periarfissaqarpoq, Avatangiisit innarlitsaaliorneqarnissaannut Inatsisartut inatsisaat nr. 9, 22. novembari 2011-meersumi kapitali 5 takuuk.

*Immikkuualuttut F1 aamma F2*

Immikkuualuttut nunamiinngillat. Nunaminertani immiinissaq/nunamik immiinissaq akuerisaapput.

**Nunataa**


Pilersaarummi immikkuualuttuni A, B aamma C-mi qaqkasunnamik ujaqqanik piiaavissatut atugassiissutigineqartumik qatsissutsip 5.0-ip tungaanut qaartiterilluni aamma immikkuualuttuni A, C, D, F1 aamma F2-mi kangerlumanermik immiinikkut nunaminertanik alliliisoqarsinnaavoq

**Aqqusinertigut angallannermi pissutsit**

Tunisassiorfinnik anginerusunit pilersitsinerni – tamatumani umiarsualiviup tungaanut oqimaatsunik annertoorujussuarnik assartuussiffigineqartussatut naatsorsuutigineqartuni – kangerluk sinerlugu Kangerlussussummik aamma Aalisakkerivimmik attaviliisumik aqquserniortoqassaaq. Nunaminertamik atugassinneqarsimasoq aqquserniortuussaaq taannalu naammassippat Kommuneqarfik Sermersuumut tunniunneqassaaq.

Aqqusineq nutaaq Kangerlussussummik aamma Aalisakkerivimmik attaviliisoq illoqarfimmi qamutinik motoorilinnik oqimaatsorsuarnik angallattoqarneranut annikillisaataassaaq. Inuussutissarsiuoteqarfimmit umiarsualiveqarfip tungaanut namminersorlutik inuussutissarsiuoteqartut

assartuillutik aqquataat figur 8 aamma 9 malillugit allannngortinneqassaaq.  
Tungujortup ammalortup Paamiut illoqarfiata qeqqa takutippaa.



Figur 8 – Maannakkut aqqusinertsigut

Figur 9 – Siunissamilu imassapput angallanni pissutsit

## **1.7 PILERSAARUMMUT ALLAMUT SANILLIULLUGU INISSISIMANERA**

### **Nuna tamakkerlugu pilersaarusrusiorneq**

Pilersaarummut tapiliussaq nuna tamakkerlugu pilersaarusrusiornermut naapertuuppoq.

### **Kommunimut pilersaarut**

Pilersaaruteqarfiusoq Kommunimut pilersaarut Sermersooq 2024-mut ilaatinneqarpoq, taannalu ilutsini pingaarneri Inuussutissarsiuteqarfittut Umiarsualiveqarfittullu atugassiissutigineqarpoq.

Pilersaaruteqarfiusoq kommunimi pilersaarusrusiornermi immikkoortut ilaannut sisamaasunut akuerisaasunullu agguataagaavoq: 20B1, 20B2, 20B5 aamma 20B6 aamma imatut taaneqartartut "Umisualiveqarfik Avannarleq", "Inuussutissarsiuteqarfik 2", "Inuussutissarsiuteqarfik 5" aamma "Inuussutissarsiuteqarfik 6". Immikkoortut ilaasa taakku killeqarfii figur 5 aamma 6-mi takutinneqartutut allanngortinneqarput.

### **Qanganitsat**

Sumiiffimmi qanganisaqarsinnaaneranik Kommuneqarfik Sermersuumi ilisimasaqartoqanngilaq. Sumiiffimmi nunagissaanerit/sanaartorfigissaanerit Eqqissisimatitsisarneq aamma allatigut kulturikkut eragisassanik kulturikkut kingornussatut illersuineq pillugu Inatsisartut inatsisaat nr. 11, 19. maaji 2010-meersumut ilaatinneqarput.

### **Avatangiisit**

Qaartiternerkunuk immiisoqassaaq, tamanna avatangiisinut ajoquitaanngippat.

Assaanerni iluarsaassinerniluunniit sumiiffimmi mingutsitsinermik naammattoorsisoqarpat tamana pillugu Kommuneqarfik Sermersuumi Sanarfinermet Avatangiisinullu immikkoortortami sulisut ingerlaannaq ilisimatinneqassapput.

Eqqakkanik avatangiisinut navianaateqartunik soorlu issumik uuliamik mingutsinneqarsimasumik, suujunnaarsitsinerit kommunimi eqqakkat pilligit malittarisassat aamma sumiiffik pillugu inatsisit atuuttut naapertorlugit pissapput.

Annertunerusunik sanaatornerni Avatangiisit mingutsinneqarsinnaaneranik  
nalilersuisoqassanersoq paasiniarlugu Naalakkersuisut  
attaveqarfigineqassapput.

***Teknikkikkut pilersuinerit***

Sanaartukkat nutaat pisortat innaallagissamut imermullu aqqutaataannut  
attavilerneqassapput.

Immikkuualuttuni C aamma D-mi illuni kuuffissuarnut erngullu aqqutaanut  
attavilersortoqanngitsoorsinnaavoq.

Innallagissamik, imermik kissamillu pilersuutit aamma kuuffissuit nunap  
iluatigoortinneqassapput.

Transformatooriisiviit Nukissiorfiit aamma Kommuneqarfik Sermersooq  
siunersiorlugit ilusilersorneqarlutillu inissinneqassapput.

*Innaallagiaq*

Sumiiffimmi naammaattumik innaallagissiortoqarnissaa qulakkeerniarlugu  
sumiiffimmi seqinisaasersuisoqarnissaa akuerineqarpoq. Illuni pineqartuni  
namminerisamik transformatoriisivilersuisoqarnissaa akuerineqarpoq.

*Imeq*

Immikkuualuttumut A-mut Nukissiorfinik isumaqatigiissuteqariarluni  
illoqarfiup imeqarfianit toqqaannartumik erngup aqqusiortoqarsinnaavoq.

*Kiassarneq*

Sumiiffimmut kiassaariaatsit Nukissiorfini malittarisassat naapertorlugit  
aalajangersarneqarput.

*Eqqagassalerineq*

Sumiiffik Kommuneqarfik Sermersumi malittarisassat atuuttut malillugit  
eqqagassalerinermut ilaatinneqarpoq.

*Aputaajaasarnerit aputinillu allamukaassuisarnerit*

Kommuneqarfik Sermersooq sukumiinerusumik  
isumaqatigiissuteqarfigeriarlugu aputit kangerlummut  
kuerarneqarsinnaapput.

*Kuuffissualersorneq imertaajaanerillu*

Illunit nutaanit imikoq illu B-829 aqqutigalugu ruujorioreersukkut  
imertaajaasoqartassaaq.

Nunap qaavanit illullu qaavinit imeq kussiakkoortillugu kuutsinneqassaaq.  
Kussiaareersut nutarterneqassapput kangerlummullu kuuffii figur 10  
aamma 11 naapertorlugit allanngortinnejassallutik.



Figur 10 - Imertaajasarneq



Figur 11 – Siunissami imertaajaasarnissat

*Sanaartorfigissaanernut aningaasartuutit*

Sanaartorfigissaanernut aningaasartuutit nunaminertamik  
atugassinneqartumit akilerneqassapput.

Pileraarummut tapiliussamik atuuttumik atorunnaarsitsineq

Sumiiffik illoqarfuiup ilaanut pileraarummu; 20B1-imut (siusinnerusukkut B 1.01), Umiarsualiveqarfik Avannarleq, maaji 1984, ilaatinnejarpooq.

Iloqarfiup ilaanut pilersaarummi pilersaarutaaqqaarsimasumi immikkoortup ilaanik 3-mik kangerlumanermik immiinissamut perarfissiisoqarlunilu Kangerlussussuup aamma Aalisakkeriviup akornanni aqquserniorrissamut perarfissiisoqarpoq. Kommunimut pilersaarummut tapiliussaq una akuersissutigineqarpat iloqarfiup ilaanut pilersaarut atorunnaarsinnejassanngilaq, tassami tapiliussamit nuna annertorunerujussuaq suliarineqarmat.

### **1.8 TAMAT OQALLINNERAT**

Kommunimut pilersaarummut tapiliussaq Inatsisartut inatsisaat nr. 34, 9. decembari 2015-imeersoq suliniutissatut siunnersuut akuerineqartoq naapertorlugu suliarineqarpoq.

Kommunimut pilersaarummut tapiliussatut siunnersuut sap.ak. 8-ni tamanut tusarniutigineqarnerani tusarniummut akissuteqaatit marluk tiguneqarput. Tusarniaanermut akissuteqaatit kommunimut pilersaarummut tapiliussamut allannguuteqartitsinngillat, pilersaarummulli siunnersuummut tulluarsaanermik kinguneqarsimalluni, tamannalu suliamik saqqummiussinermi tunngavilersorneqareerpoq.

Tusarniaanerup nalaani allakkatigut naammagittaalliuutinik saqqummiussinissamut perarfissat saniatigut 2016-imi decembarip ulluisa aallaqqaataanni Paamiuni suliniut aamma pilersaarusiornermut inatsit nutaaq politikkikkut oqaluuserineqarininninnermut tunngaviusoq pillugit innuttaasunik paasissutissiisoqarpoq.

## 1.9 PILERSAARUMMUR TAPILIUSSAP INATSISITIGUT SUNNIUTAI

### Inatsisitigut sunniutaagallartut

Kommunimut pilersaarummut tapiliussassatut siunnersuut tamanut saqqummiunneqarpat taava nunaminertat, illut sanaallu kommunimut pilersaarummut tapiliussassatut siunnersuummi pineqartut illuliorfigineqassanngillat allatigulluunniit pilersaarutip inaaruutasup imarisaaanut sioqqutsisutut isikkoqarsinnaasumik iluaqtiginiarneqassanatik (Pilersaarusrornermut inatsimmi § 31).

Oqaaseqaatinut allannguutissatullu siunnersuutinut saqqummiussinissamut piffissaliussap naareernerani piffissaagallartillugu akerliliissutinik tigusaqartoqarsimanngippat Kommunalbestyrelsip nunaminertap siunnersuummi pineqartup illuliorfigineqarnissaa imaluunniit allatigut pilersaarut naapertorlugu iluaqtigineqarnissaa akuerisinnavaa atuineq sanaartornerluunniit siunnersuut malillugu pippat (Pilersaarusrornermut inatsimmi § 31, imm. 2).

Kommunimut pilersaarummut tapiliussassatut siunnersuutip tamanut nalunaarutigineqarnissaata tungaanut inatsisitigut sunniutaagallartut atuutissapput – taamaattorli siunnersuutip saqqummiunneqarneraniit sivisunerpaamik ukumi ataatsimi (Pilersaarummut inatsimmi § 31, imm. 3).

**Inatsisitigut inaarutaasumik sunniutit**  
 Kommunimut pilersaarutip piviusunngortinnejarnissaanut, tassunga ilanngullugu nunaminertanik atugassiinerni, kommunalbestyrelsimit sulissutigineqassaaq (Pilersaarusrornermut inatsimmi § 29).

Kommunalbestyrelsimit kommunimut pilersaarummut tapiliussaq inaarutaasumik akuersissutigineqarpat tamanullu saqqummiunneqarluni, taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut taamaallaat atorneqarsinnaapput imaluunniit sanaartorfigineqarsinnaapput kommunimut pilersaarummut tapiliussami aalajangersakkat naapertorlugit (Pilersaarusrornermut inatsimmi § 30).

Immikkut pisoqartillugu malinninnginnerit annikitsut immikkut ittumik akuersissutigineqarsinnaapput. Malinninnginnerilli annerusut pitillugit tamanna nutaamik kommunimut pilersaarummut tapiliussamik pisariaqartitsissaaq (Pilersaarummut inatsimmi § 50).

Nunaminertanik, illunik atortunillu malittarisassat malillugit atuineq ingerlatiinnarneqarsinnaavoq. Akerlianik assersuutigalugu allatut atuineq imaluunniit nutaamik sanaartugaq kommunimut pilersaarummut tapiliussamut unioqqutitsisumik pisinnaanngilaq.

Kommunimut pilersaarummut tapiliussami imminermi nunaminertat, illut atortullu ilaatinneqartut imaannngilaq pinngitsoorani pilersinneqassasut.

## 2. AALAJANGERSAKKAT

*"Pilersaarusiorneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiornermut inatsit) naapertorlugu Kommunalbestyrelse matumuuna aalajangersakkat tullinnguuttut makku aalajangersarpai.*

Aalajangersakkat aalajangersakkanut pingarnernut sukumiisunullu avitaapput.

Aalajangersakkat pingarnerit tunngaviusumik pilersaarummiippuit taamaattumillu aalajangersakkanit taakkunangna immikkut ittumik akuersissuteqartoqartoq nalunaarutigineqarsinnaanngilaq. Inatsisit naapertorlugit sukumiisumik aalajangersakkanit immikkut ittumik akuersissuteqartoqarsinnaavoq, tamanna pilersaarummi tunngavinnut akerliunngippat.

### 2.1 AALAJANGERSAKKAT PINGAARNERIT

AALAJANGERSAGAAREERSUT PINGAARNERIT 20B5	AALAJANGERSAKKAT NUTAAT PINGAARNERIT 20B5
<b>Immikkoortup ilaata killeqarfilsorneqarnera</b>	
	
	<p>Illoqarfiiup ilaanut pilersaarummik matuminnga akuersissuteqarnikkut immikkoortup ilaata killeqarfii takutinneqartutut allanngortinneqarput.</p>
1. Siunertat	
Nunaminertanik nalinginnaasumik atuineq:	Nunaminertanik nalinginnaasumik atuineq:

Inuussutissarsiutit umiarsualiveqarfillu Immikkut ittumik atuineq. Umiarsualiveqarfik 2. Atuineq	Inuussutissarsiutit umiarsualiveqarfillu
<p>Immikkoortup ilaa assessorluni suliaqarluni, suliffissaqarnermut amerlasoorsuakkuutaarlugillu pisiniartarfittut ittunut inuussutissarsiutinut siunertanut atugassiissutaavoq. Immikkoortup ilaani niuertarfinnik ingerlatsisoqassanngilaq. Immikkoortup ilaani suliffeqarfiiut ingerlanneqarneranni nakkutilliisumut ataatsimik illuortoqarsinnaanera Kommunalbestyrelsimit akuerineqarsinnaavoq. Immikkoortup ilaani piginnittut nakkutilliisullu illui pingasut akuerineqarsinnaapput. Kommunalbestyrelsip aalajangiinissaminut atugassaanik illup pineqartup avatangiisinut sunniutigisinnaasai nalilersuiffigineqarsimassapput. Aammattaaq assersuutigalugu immikkoortup ilaani pilersuinermut kioskimik ammaasoqarsinnaavoq.</p>	<p>Immikkoortup ilaa tunisasiorfittut, aalisakkanik suliffissuartut, assessornermik suliaqartutut, talittarfeqarfittut, quersuartut allaffittullu umiarsualiviup suliffeqarfiiillu ingerlanneqarnissaannut pisariaqartinnejartunut inuussutissarsiutinut umiarsualivimmilu inuussutissarsiuteqarnernut atugassiissutaavoq – aamma ujaqqanik piaaviugallartutut.</p> <p>Immikkualuttuni B, C aamma D-mi suliffeqarfiiut immikkut ittumik mingutsitsisut pilersinneqarsinnaapput.</p> <p>Immikkualuttuni B, C aamma D-mi suliffeqarfinnik immikkut ittumik mingutsitsisunik pilersitsinissamut periarfissaqarpoq, Avatangiisit innarlitsaaliorneqarnissaannut Inatsisartut inatsisaat nr. 9, 22. novembari 2011-meersumi kapitali 5 takuuk.</p> <p>Immikkoortup ilaani inissiatut siunertanut illuortoqarsinnaananilu tamakkuningga aaqqissuussisoqarsinnaanngilaq. Suliffeqarfinnili pineqartuni sulisut unnuisarfissaat akuerineqarsinnaapput.</p> <p>Nunaminertani sanaartorfigineqanngitsuni malittarisassat Kommunalbestyrelsimit sukumiinerusumik aalajangersaaffigineqarsimasut naapertorlugit nunaminertat suliffissatut inaalitsivissatullu aaqqissuunneqarsinnaapput, taakkununnga ilangullugit assiaquusersuinerit ungaluukkersornerillu.</p> <p>Pileraaruteqarfiusoq immikkualuttunut A</p>

	<p>aamma F-mut avitaavoq:</p> <p><b>Immikkuualuttoq A</b> - tunisassiorfinnut, umiarsuarnut containerersortut umiarsualivianut, talittarfimmut aamma tamakkuningga sullissinerni inaalitsivittut atugassiissutigineqarpoq.</p> <p><b>Immikkuualuttoq B</b> - tunisassiorfinnut, namminersorluni inuussutissarsiuteqarnernut, sannavinnut, entreprenøritut ingerlatsinernut, aatsitassarsiornermi pilersuinermut aamma tamakkuningga sullissinerni sullissinernut inaalitsiveqarnernullu atugassiissutaavoq.</p> <p><b>Immikkuualuttoq C</b> - Ujaqqanik piaavittut ammmaannartutut teknikkikut atortulersuutinut atugassiissutigineqarpoq. Ujaqqanik piaavik qatsissutsimi atsissutsimut 5.0-imut qaartiterlugu allineqarsinnaavoq kingusinnerusukkullu tunisassiornernut, amminersorluni inuussutissarsiuteqarnernut, sannavinnut, entreprenøritut ingerlatsinernut, aatsitassarsiornermi pilersuinermut aamma tamakkuningga sullissinerni sullissinernut inaalitsiveqarnernullu atugassiissutigineqarsinnaavoq.</p> <p><b>Immikkuualuttoq D</b> - kommunip asfaltilorfianut atugassiissutaavoq.</p> <p><b>Immikkuualuttoq E</b> - tunisassiorfinnut, namminersorluni inuussutissarsiuteqarnernut, sannavinnut, entreprenøritut ingerlatsinernut, aatsitassarsiornermi pilersuinermut aamma tamakkuningga sullissinerni sullissinernut inaalitsiveqarnernullu atugassiissutaavoq.</p> <p><b>Immikkuualuttoq F1 og F2 –</b> Nunaminertaareersut allilerneqarnissaat siunertaralugu immiinissaq akuerisaavoq.</p>
3. Sanaartukkat	
	Ilanngussaq 2-mi sanaartorfiit ungalusat naapertorlugit sanaartortoqarnissaa

	<p>akuerisaavoq.</p> <p>Immikkuuluttumi A-mi sanaartukkat portussiisa nunap qaanit illup portunerpaaffianut 20 meterit sinneqqassanngilaat.</p> <p>Immikkuualuttumi B-mi sanaartukkat portussiisa nunap qaanit illup portunerpaaffianut 20 meterit sinneqqassanngilaat.</p> <p>Immikkuualuttumi C-mi sanaartukkat portussiisa nunap qaanit illup portunerpaaffianut 20 meterit sinneqqassanngilaat.</p> <p>Immikkuualuttumi E-mi sanaartukkat portussiisa nunap qaanit illup portunerpaaffianut 20 meterit sinneqqassanngilaat.</p>
<b>4. Inissat sinneruttut</b>	
Aalajangersagaqanngilaq	Immikkoortup ilaa 20B5 4,5 ha-it missaanniit 7,8 ha-inut allineqarpoq, ilaatigut kangerlummik immiinikkut pilersinneqarpoq
<b>5. Eriagisariaqartut</b>	
Aalajangersagaqanngilaq	Aalajangersagaqanngilaq
<b>6. Nunaminertat piumasaqaatitaqarfiusut</b>	
Aalajangersagaqanngilaq	<p>Immikkoortup ilaani tankeqarfiup eqqaaniippoq nunaminertaq isumannaallisaaffiusoq.</p> <p>Nunaminertap isumannaallisaaffiusup iluani, taanna taneqarfiup avammut killeqarfianit nunaminertaq 20 meterisut annertussuseqarpoq, immikkut ittumik akuersisoqartinnagu illuliortoqarsinnaananilu inaalitsiviliorqarsinnaanngilaq.</p>
<b>7. Aqqusinertigut angallanneq teknikkikkullu pilersuinerit</b>	
Aalajangersagaqanngilaq	Kangerlussussup aamma Aalisakkeriviup akornanni aqquserniortoqassaaq. Asfaltiorneq ilangunnagu aqquserniorneq nunaminertamik atugassinneqarsimasup akilissavaa tamatumalu

	kingorna aqqusineq Kommuneqarfik Sermersuumut tunniunneqassaaq. Kiisalu aquserngup ilusilersorneqarnera kommunimi sanaartornermut immikkoortortamit akuersissutigineqassaaq.
8. Illoqarfimmik nutarterineq	
Aalajangersagaqanngilaq	Aalajangersagaqanngilaq
9. Immikkoortukkuutaat	
Aalajangersagaqanngilaq	<p>Immikkualuttumi A-mi immikkoortunut marlunnut avillugu tunisassiorfiliortoqarsinnaavoq aamma talittarfik pisariaqartitsineq naapertorlugu allineqarsinnaavoq.</p> <p>Immikkualuttumi C-mi talittarfiliortoqarsinnaavoq taannalu pisariaqartitsineq naapertorlugu allineqarsinnaavoq.</p>

AALAJANGERSAGAAREERSUT PINGAARNERIT 20B1	AALAJANGERSAKKAT NUTAAT PINGAARNERIT 20B1
<b>Immikkoortup ilaata killeqarfilsornerneqarnera</b>	
<p>Ved vedtagelse af nærværende lokalplantillæg ændres delområdernes afgrænsning som vist.</p>	
<b>1. Siunertat</b>	
Nunaminertanik nalinginnaasumik atuineq: Inuussutissarsiutit umiarsualiveqarfllu Immikkut ittumik atuineq. Umiarsualiveqarflik	Nunaminertanik nalinginnaasumik atuineq: Inuussutissarsiutit umiarsualiveqarfllu Immikkut ittumik atuineq. Umiarsualiveqarflik
<b>2. Atuineq</b>	
Immikkoortup ilaa umiarsualivimmut siunertaqtunut (tassunga ilanngullugu umiatsianut nuannaariartaatinut) aamma sakkutut imarsiorut inuussutissarsiutaannut soorlu talittarfinnut, amutsivimmut, aalisakkerivimmut, quersuarmut, qalulerivimmut, allaffinnut atugarissaarnermullu illunut umimarsualiviup suliffeqarfiiillu ingerlanneqarneranut pisariaqartinneqartut, aalisakkeriviit assigisaallu. Immikkoortup ilaa inissianut meeqqevinnullu siunertanut atorneqassangilaq. Nunaminertani sanaartorfigineqanngitsuni kommunimi	Immikkoortup ilaa umiarsualivimmut siunertaqtunut (tassunga ilanngullugu umiatsianut nuannaariartaatinut) aamma sakkutut imarsiorut inuussutissarsiutaannut soorlu talittarfinnut, amutsivimmut, aalisakkerivimmut, quersuarmut, qalulerivimmut, allaffinnut atugarissaarnermullu illunut umimarsualiviup suliffeqarfiiillu ingerlanneqarneranut pisariaqartinneqartut, aalisakkeriviit assigisaallu. Immikkoortup ilaa inissianut meeqqevinnullu siunertanut

<p>malittarisassat aalajangersarneqarsimasut sukumiinerusumik naapertorlugit suliffissatut inaatsilivissamillu aaqqissuussisoqarsinnaavoq, tassunga ilanngullugit assiaqusersuinerit ungaluugalersuinerillu. Kommunalbestyrelsip immikkoortup ilaa inissiamut ataatsimut (isaaffimmit paarsisuusumut inissiaq) sanaartorfiusinnaasutut, ilusilersorneqarsinnaasutut aaliangersinnaavaa, suliffeqarfip ingerlanneqarneranut attuumassuteqartumut. Kommunalbestyrelsip aaliangerneranut tunngaviussaaq inissiamut pineqartumut avatangiisinut sunniutaasinnaasunut misissuinermi nalunaarusiaq. Taamatuttaaq aaliangiunneqarsinnaavoq, assersuutigalugu kioski immikkoortup ilaanut pilersuisuusinnaasoq.</p>	<p>atorneqassanngilaq. Nunaminertani sanaartorfigineqanngitsuni kommunimi malittarisassat aalajangersarneqarsimasut sukumiinerusumik naapertorlugit suliffissatut inaatsilivissamillu aaqqissuussisoqarsinnaavoq, tassunga ilanngullugit assiaqusersuinerit ungaluugalersuinerillu. Taamatuttaaq assersuutigalugu immikkoortup ilaanic pilersuinissamut piniarfeeraliortoqarnissaa akuerineqarsinnaavoq.</p>
3. Illut	
<p>Umiarsuarnut Atlantikukkoortaatinut kilisaatinulluunniit taliffiit eqqai annikillisillugit illuliortoqassanngilaq allatulluunniit umiarsualivimmi atuuffinnut akornutaasunik iliuuseqartoqassanngilaq. Illut nutaat illooreersut eqqarsaatigalugit ilusilersorneqassapput. Aqquserngit pingarnerit sinerlugit aqqusernit qeqqiniit sanaartorfissatut titarneq 10 meteriusoq titarneqarsinnaavoq.</p>	<p>Umiarsuarnut Atlantikukkoortaatinut kilisaatinulluunniit taliffiit eqqai annikillisillugit illuliortoqassanngilaq allatulluunniit umiarsualivimmi atuuffinnut akornutaasunik iliuuseqartoqassanngilaq. Illut nutaat illooreersut eqqarsaatigalugit ilusilersorneqassapput. Aqquserngit pingarnerit sinerlugit Kommunimut pilersaarut 2028 naapertorlugu sanaartornissanut titaausoqarsinnaavoq.</p>
4. Inissaqassuseq	
<p>Immikkoortup ilaa 8,2 ha.-it missaannik annertussuseqarpoq. Inissaq sinneruttoq 1,5 ha-it missaanniippoq.</p>	<p>Immikkoortup ilaata nunataa nunamik tamakkisumik immiinermi 8,8 ha.-t missaannik annertussuseqarpoq.</p>
<p>Inissaq sinneruttoq 2,1 ha-it missaannik annertussuseqarpoq.</p>	
5. Eriagisariaqartut	
<p>Aalajangersaqanngilaq</p>	<p>Aalajangersaqanngilaq</p>
6. Nunaminertat piumasaqaateqarfiusut	

Aalajangersaqanngilaq	Aalajangersaqanngilaq
<b>7. Aqqusinertigut angallanneq aamma teknikkikkut pilersuutit</b>	
Suliffeqarfait ataasiakkaat qanoq ittuunerannik ilusaannillu tigussaasumik nalilersuinerit tunngavigalugi suliffeqarfinnut ataasiakkaanut atasunik biilinut inissiiffissanik nunaminertanik pisariaqartinneqatunik atugassiisoqassaaq. Immikkoortup ilaata sanaartorfigineqanngitsortaa ukioq nallugu imermik pilersuivilerneqassaaq. Immikkoortup ilaata avannaa'tungaa Imeqarfik sinerlugu erngup aqquutanut pingaarnermut attavilerneqassaaq. Kangerlukasiup avannaa'tungaaniittut nunaminertat imaaliallaannarlugit kuuffissuareersunut attavilerneqarsinnaanngillat. Aalisakkerivimmit imikoq kuuffissuareersumut qummut maqinnejartassaaq.	Biilinut inissiisarfait amerlassusissaat Kommunimut pilersaarut 2028 naapertorlugu nunaminertamut attuumassuteqartillugit aalajangersarneqassapput. Immikkoortup ila tamakkerluni sanaartorfioreersoq ukioq naallugu imermik pilersorneqassaaq. Avanaa'tungaa Imeqarfik sinerlugu erngup aqquutanut pingaarnermut attavilerneqarsinnaavoq. Kangerlukasiup avannaa'tungaaniittut nunaminetat imaaliallaannarlugit kuuffissuareersumut attavilerneqarsinnaanngillat. Aalisakkerivimmit imikoq kuuffissuareersumut qummut maqinnejartassaaq.
<b>8. Illoqarfimmik nutarterineq</b>	
Aalajangersaqanngilaq	Aalajangersaqanngilaq
<b>9. Immikkoortukkuutaat</b>	
Aalajangersaqanngilaq	Aalajangersaqanngilaq

## 2.2 AALAJANGERSAKKAT SUKUMIISUT

### §1. Sanaartukkut inissisimanerat

- 1.1 Ilanngussami 2-mi immikkuualuttuni takutinneqartuni taamaallaat sanaartortoqarsinnaavoq.
- 1.2 Kraanit, pujoorfiit, antennet assigisaallu immikkuualuttumi portunerpaaffissatut taaneqartunit portunerusunngorlugit ivertinneqarsinnaapput, tamatumani mittarfimmi nunaminertaq mikkiartortarfik aamma Angallannermut aqutsisoqarfimmi sakkutuujunngitsut silaannakkut angallattarnerat pillugut aalajangersakkat ataaqqineqartarpata malinneqarlutillu.
- 1.3 Aqqusineq pingarneq sinerlugu aqquserngup qeqqanit avammut meterit qulit sanaartorfissatut titarneqassapput.

Immikkuualuttoq A

- 1.4 Immikkuualuttup 75 %-ani taamaallaat sanaartortoqarsinnaavoq.

Immikkuualuttoq B

- 1.5 Immikkuualuttup 75 %-ani taamaallaat sanaartortoqarsinnaavoq.
- 1.6 Immikkuualuttumi B-mi illut immikkuualuttumi A-mi illunut nalleqatillugit sanaartorneqassapput.

Immikkuualuttoq C

- 1.7 Sanaartorfissat tallimat atugassiissutigineqarput.
- 1.8 Sanaartorfissap 75 %-ani taamaallaat sanaartortoqarsinnaavoq.
- 1.9 Sanaartorfinni C1, C2, C3 aamma C4-mi illut immikkuualuttumi A-mi illulianut nalleqqasigiissillugit inissinneqassapput. Sanaartorfik C5 naammineq kiffaanngissuseqarluni aaqqissuunneqarsinnaavoq. Sanaartorfiit inaalitsivittut atorneqarsinnaapput, nunaminertamik atugassinneqartup tamakku sanaartorfiit sanaartorfigerusunngippagit.

Immikkuualuttoq E

- 1.10 Sanaartorfissap 75 %-ani taamaallaat sanaartortoqarsinnaavoq.

### §2. Sanaartukkut silataasa isikkui

- 2.1 Illut qaavi seqerngup qinnguaanik utersaartitsisartuussanngillat
  - 2.2 Illut qalipaataat sumiiffimmut takussunarsaataanngitsut toqqarneqassapput.
  - 2.3 Illuni ataasiakkaani suliffeqarfimmut illumiiittumut attuumassuteqartumik allagartarsualisoqarsinnaavoq.
- Illup avatangiisaanut soorlu aqqusinertigut angallannermut eqqaamiunullu akornutaanngitsumik quillilersortoqassaaq.

<p>2.4 Illuni eqqaamiut sanioqquasullu qaamanermik utersaarfigitinnissaat eqqarsatigalugit seqinisaatinik ikkussuisoqarsinnaavoq.</p>
<p><b>§3. Aqquserngit aqqusineeqqallu</b></p> <p>3.1 Aqqusinissamut pingarnissamut nutaassamut nunaminertamik atugasiissoqarpoq.</p> <p>3.2 Nutaamik illuliornermi malittarisassat matuma ataani naapertorlugit biilinut inissiisarfiliortoqassaaq:</p> <ul style="list-style-type: none"> <li>- Illumut allaffeqarfiusumut ataatsimut 500 m<sup>2</sup>-imut biilinut inissiisarfik ataaseq.</li> <li>- Quersuarnut tunisassiorfinnullu aamma sannavinnut 1000 m<sup>2</sup>-imut biilinut inissiisarfik ataaseq.</li> </ul> <p>3.3 Biilinut inissiisarfiliortiternerit 3.2 naapertorlugu nunaminertamik atugassinneqartumit akilerneqassapput.</p>
<p><b>§4. Teknikikkut atortulersuutit</b></p> <p>4.1 Illut nutaat pisortat innaallagissamut imermullu aqqutaataannut attavilerneqassapput. Immikkuualuttuni A aamma B-mi illut nutaat aamma pisortat kuuffissuaataannut attavilerneqassapput.</p> <p>4.2 Nunap qaavarta ernga illunut, aqqusinernut, aqqusineeqqanlut nunaminertanullu sanaartorfigineqanngitsunut akornutaanngitsumik kussiukkatigut kangerlummut kuutsinneqassaaq.</p> <p>4.3 Immikkuualuttumi teknikkikkut atortulersuusersortoqarsinnaavoq, soorlu immikkuualuttumik immikkut ittumik pilersuinermut transformatoriisivinnik. Nukissiorfiit siunersiorlugit ilusilersorneqassapput aamma immikkuualuttumut takussunarsaataanngitsumik inissinneqassapput.</p>
<p><b>§5. Nunaminertat sanaartorfigineqanngitsut</b></p> <p>5.1 Nunaminertat sanaartorfigineqanngitsut, qalliusersuutit, kussiat aqqusinernullu atortut sanaartorneq allatulluunniit suliaqarneq pissutigalugu innarlerneqartut ilusaattut ilerseqqinneqassapput.</p> <p>5.2 Nunaminertanik sanaartorfigineqanngitsunik, nunaminertanik uninngaartarfinnik, inaalitsivinnik il.il. quillilersornerit avataangiisinut inngianassanngillat.</p> <p>5.3 Nunaminertat sanaartorfigineqanngitsut qalliusersorneqassanngillat, tassami qallutissamik toqqaanermi eqqaamiut saneqquasussallu nipilornermik qaamanermilluunniit utersaarfigitillugit inngiasunnginnissaat eqqarsaatigineqartariaqarmata. Taamatuttaaq immikkuualuttumik imertaajaaneq aaqqiinermik toqqakkamik qularnaarneqassaaq.</p>
<p><b>§6. Sanaartorfigissaanerit</b></p> <p>6.1 Immikkuualuttumi sanaartorfigissaanernut aningaasartuutit peqataasunullu agguataarineq akiliinissat pillugit ileqqoreqqusani immikkut ittuni allassimassapput</p>

**3. AKUERSISSUTEQARNERMI ATSIORNERIT**

"Kommunimut pilersaarummut tapiliussaq 20B5-1, Paamiut" inissiaqarfik Kommuneqarfik Sermersumi Kommunalbestyrelsimit ulloq 05.09.2017 inaarutaasumik akuersissutigineqarpoq.

Kommuneqarfik Sermersooq ulloq 17/12-2017


Asii C. Narup  
Asii Chemnitz Narup  
Borgmesteri

Lars Møller Sørensen  
Lars Møller Sørensen  
Pisortaaneq

Atuutilersutut tamanut nalunaarutigineqarpoq ulloq 22.12.2017

Ilisarnaatinut nassuaatit  
Signaturforklaring

- Immikkoortoq / Delområde
- Immikkullarissoq A-F / Detailområde A-F
- Illut pioereersut / Eksisterende bygninger
- Illut isatigassat / Bygninger til nedrivning



KOMMUNEQARFIK SERMERSOOQ  
Sanarfimermut Avatangiisinullu Ingerlatsivik  
Forvaltning for Anlæg og Miljø


Kommunimut pilersaarummut tailiussaq 20B5-1  
Kommuneplantillæg 20B5-1

Ilanngussaq 1:Immikkoortortaq pioereersoq  
Bilag 1:Eksisterende delområder  
Februar 2017

Utuut 1:4000 / Mål 1:4000  
A4

Ilisarnaatinut nassuaitat  
Signaturforklaring

- Immikkoortoq / Delområde
- Illut pioversut / Eksisterende bygninger
- Illut isatigassat / Bygninger til nedrivning
- Nunanngortitassaq / Landindvinding
- Aqqusineq pingaaqneq nutaaq / Ny primærvej
- Aqqusineq nalginnasaq nutaaq / Ny sekundærvej




KOMMUNEQARFIK SERMERSOOQ  
Sanarfimermut Avatangiisinnullu Ingerlatsivik  
Forvaltning for Anlæg og Miljø

Kommunimut pilersaarummut tailiussaq 20B5-1  
Kommuneplantillæg 20B5-1

Ilanngussaq 2: Immikkoortortaq nutaaq, immikoortortaqarfit A-F,  
illuliorfissaq og aqqusinillu nutaaq  
Bilag 2: Nye delområder, detailområder, byggefelter og veje



Februar 2017  
Uutuut 1:4000 / Mål 1:4000  
A4



KOMMUNEQARFIK SERMERSOOQ  
Sanarfimermut Avatangiisinullu Ingerlatsivik  
Forvaltning for Anlæg og Miljø

Kommunimut pilersaarummut tailiussaq 20B5-1  
Kommuneplantillæg 20B5-1

ILANNGUSSAQ 3 / Assiliartaq  
BILAG 3 / Illustration



KOMMUNEQARFIK SERMERSOOQ  
Sanarfimermut Avatangiisinullu Ingerlatsivik  
Forvaltning for Anlæg og Miljø

Kommunimut pilersaarummut tailiussaq 20B5-1  
Kommuneplantillæg 20B5-1

ILANNGUSSAQ 4 / 3D Assiliartaq  
BILAG 4 / 3D Illustration